

本事方釋義
一

古吳葉天士先生著

本
事
方

釋
義

姑
蘇
婦
葉
山
房
義
記
藏
板

葉君澹安將刻其曾祖天士先生所著許氏本事方
釋義一書而問序於余觀其原書既有許學士之序
矣著為釋義則又有先生之自序余復何言維然先
生所以著此書之意與澹安刻此書之故不可以不
述也昔者神農辨百草伊尹制為湯液古聖君賢相
有經緯天地翊贊幽明之功而必斤斤於此者誠欲
消斯民天札癘疾之灾而全其生也故太史公為扁
鵲倉公立傳而後世作史者宗其意必立方術一門
良以醫之為道有仁壽斯民之功非可以尋常小道

視之耳雖然六氣有順逆四時有正變陰陽有衰旺
血氣有盈虛起居則貴與賤勞逸不同稟賦則古與
今強弱亦異治疾者差之毫釐謬以千里執古方以
治今病豈有當乎諺云學醫人費此雖戲言不可不
察也醫豈易言哉特是執古方不可以為醫而舍古
方又何以為醫是在神明於規矩之中若大匠誨人
不越乎斧斤繩墨而巧拙則存乎其人爾此許氏本
事立方而先生又因方而釋其義之意也方先生之
以醫鳴於世也神明變化起死回生余生晚不及見

先生然吳中父老皆樂談其軼事書之雖累牘不能
盡謂為今之扁鵲淳于意可也將來

本朝國史為方術立傳必以先生為第一人矣顧其
生平少所著作世惟傳醫方指南一編其書乃先生
棄世後門下學者各以所聞知薈萃而成其方不盡
出先生之手而又無所發明觀者不知其用意之所
在故書雖盛行於世先生度世之金針不在斯也此
書於某方治某病某藥行某經若臣佐使攻補升降
一一發明其義雖所錄無多令人可獲舉一反三之

效其嘉惠後學功豈在古人下哉先生自謂一生心得在此故遲之久而後成書成在乾隆十年先生年已八十矣將繕本付梓是歲先生遽歸道山而其書亦亡嘉慶八年澹安之弟羽壺於古簾中檢得先生所著序文目而知有此書然求之累年不可得至十七年澹安之姪半帆始回其友劉景黃言訪而得之於城南顧西疇家借歸校之宛然趙壁復還澹安曰亟謀剞劂以期壽世惟視世所行坊本少三十餘方復購宋本校之則與此書同而坊本所多者宋本皆

無之殆好事者於何時附益之耳澹安以為醫者依
方療疾多一方則多一方之用與其過而去之毋寧
過而存之故其方雖無先生釋義仍加採錄附於原
書之末學者欲知先生聖神工巧之處觀此可以窺
豹一斑矣余先祖介菴先生亦以醫術名於世余以
仕官勞形不克繼承先業然生平頗好方書常景仰
先生之風而怪指南一書之冗襍不足以傳也今得
此書畧見先生心力之所在故樂得為之序

嘉慶十九年六月同里石韞玉序

天士先生之應星占少研儒術天才汗
漫之餘愛涉岐黃人事崎嶇一蕪強
名和緩遂乃宣揚金匱遊戲銀凡手援
祛癩之鍼門駐死地之轅世驚其視垣
一方澄肺六葉觸手生春雜法以意傳
為華佗天授心識分銖俞跗神通治蠲
湯液矣不知其蘇枕竒咳磨研理論
睇飛凝轉繡駕開覽者蓋有在也茲

喬孫澹安先生是以有類證晉濟本事
方釋義之刻本事方者宋集賢院學士
許珪泚之所著也學士負希文之志而
晦於馨高盧扁之名而軼於史始緣甄
權之孝而練其術終法陸贄之仁而筆
法書彼其五珍精參六微洞究嚴析夫
四弦二反之交句調乎三佐一君之用其
通泚則秦氏之禁方也至集驗則倉公

之診籍也特以措詞近古聾牙或駭殷
盤加之槧本傳訛解目歛嗔燕燭先生
乃取家藏善本罄心摘元出意譯祕成
釋義十卷付剞劂氏而未果也今日
者宰樹踰園楹書感涕持誇朋好羣
驚仙遇龍威為體痼瘵弗忍祕同鴻寶
晉孫壽爰出藏山之本謹刊行世之書
嗚呼百年手澤一寸心田不禁對是編而

愀乎有感也。緬惟黃土博人，楮籙別草論
量五色黃神，採俞穴之微消息。三停素
女發明，畫之訣嗣。是禮課十全，傳稱三折
漢志七家，唐官四屬。醫術尚矣，經方夥
矣。然而道經委蛻，技絕鍼竅。仙井湮淪
靈石，瓊楠檜。訊醫為意，幾多膠柱以調
絃。用藥如兵，無奈學書而費紙。夫古者
鄭人諦息，耶律亦規形。鍼穴曾羅，竹葉指

喻以有影測支蘭溪施案杭等如聞病之
陰陽易道隔帷之色候難區桓侯多恙
誰徵媵理之邪壺子藏機銀籥權衡之氣
加以一方必佐使相須一草復根莖異性苦
憶儻自竊良已痿誰知護草不定忘憂
而又或悖剛柔之劑或乖配合之宜謂
已豆而可君信烏頭以為帝假云用毒攻
毒可復以寒增寒此診脈之與交劑並難

也有此二難重之兩失經誤五運窺天等
驗弓無法列九鍼論益氣兼補瀉病痛
胡域乎春陽病瘕詎拘乎辛水執殊和
脈訣寧賦形秉氣之皆同齋廷紹成方
奈枳實豆湯之不效至若紹興南局香
燥偏多完素北人寒涼入主子和務瀉
實之方丹溪指補陰之劑尚溫則屢五
分之是炫用冷則瓶百灌而弗效究之

六芝五石投宜自是同功斗火盤冰執已
終無一是此泥古之與偏私並失也澹安
先生暨其猶子訥人半帆等雅游竹素弗
業刀圭遜恃門風務標宗第以仙籟
在難私一卷之經命鑰攸闕合擴干
金之德幸讀者細繹彈精神明應子果
堪遇學士於卷中快領鑿心之斧詎假
起先生於地下更施續命之湯

嘉慶甲戌孟冬朔日吳縣朱崑和謹序

余嘗謂天下事有不為未有為之
而效不至者世人自幼習舉子業
殫心於經書文藝不幾年輒登
上第居顯官人皆以為此積學所
致余曰此特為之而效至耳夫天
下事為之而效至者豈徒科舉之
業哉古語云不為良相即為良

醫心之活人其效見於當時者在其
術其效見於後世者在其書昔宋
儒許學士著普濟本草方十卷迄
今醫家奉為圭臬

國朝葉香岩先生為之釋義許創
於前葉述於後為之而有其效者
前後一揆矣香岩之書向未刊行